

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編


齊魯書社

四庫全書存目叢書

集部
第二二〇冊

責任編輯：孫言誠 賀 偉

ISBN 7-5333-0615-5



9 787533 306151 >

EB46/06

四庫全書存目叢書·集部二二〇

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092毫米 16開本 53.25印張

1997年7月第1版 1997年7月第1次印刷

印數1-100

ISBN 7-5333-0615-5

Z·60 集部定價：127800圓

集部第二二〇冊目次

集部·別集類

萬山樓詩集二十四卷

〔清〕許虬撰
中國社會科學院文學研究所藏清康熙四十九年刻本

..... 一

萬青閣全集八卷

〔清〕趙吉士撰
吉林大學圖書館藏清康熙趙繼抃等刻本

..... 一七五

萬山樓詩集二十四卷

〔清〕許虬撰

中國社會科學院文學研究所藏清康熙四

十九年刻本

附《四庫全書總目·萬山樓詩

集二十四卷》提要

作古體而不原本兩漢作近體而不分別三唐
第二流手筆故當時之詩平奇濃澹性情不
有邈不可及之境竹隱騷壇一幟海內宗之所著古
今諸體以漢唐之蒼腴俯六代之疏雋以曹劉之雄
渾包三謝之冲逸含英吐華擅變化之能無追琢之
迹本根所蘊何其厚也余從諸選中每得竹隱詩往
往詠歎不能釋手竹隱通籍出身應居郎署爲紆南
顧捧檄五溪治行超等就近遷擢久留於外神思殊
暇讀書看山采風懷友意有所得輒以詩發之或和
平而澹藹或峻越而峭厲或比物以致情或託諷以
抒怨皆源於性情自得非工聲悅取適耳目之好已
也其爲一代著作手何疑嗟乎如竹隱才顧不得簪
筆清華叨領侍從亦猶七子之於前代將大開藝苑
生面耶讀萬山樓者夫亦可以慨然長懷矣

合肥龔鼎孳芝麓

家居猶夷於載籍外一無所好聞海內詩人雖未友
其人恒思讀其詩往往性情相動取以自娛往年友
竹隱許先生獲讀其詩清音雅旨沁徹心目別來忽
忽至今十餘年猶謾設松風之簾人也今來握手道
故因求其未見之詩讀之氣格風華鏗然金石之振

蔚然雲霞之變冷然泉落幽澗倏而拂拂之春風
倏而濯濯之秋露使人耳目肺腸頓易移人性情有
不在追章琢句間者矣益信乎未見之詩不可不讀
然不讀竹隱未見之詩則詩人未見之詩不可不讀
讀竹隱未見之詩雖不讀詩人未見之詩亦可也

宛平王崇簡敬哉

丑冬自川輯瑞入都寄迹蕭寺病榻支離有蹋雪過
訪者爲吳中許竹隱先生袖詩一卷見遺予高枕讀
之浩乎如江漢之朝宗鏗然如八音之大成經營慘
澹之中而加以離奇跌宕之樂不覺拍案狂喜十倍

萬壽堂

二十

枚乘七發矣向於各家選中見竹隱詩竊傾心懷茲
復縱觀諸體益爲動容者久之詞人代興微緒獲振
東南哲匠如波不絕有如是耶予甫離峨嶺遂登萬
山百尺樓上略綴數言爲斯道標的起見非止自述
使已事也

萊陽宋 琬荔棠

予讀許子竹隱萬山樓詩往往離奇怪幻出於尋常
思索之表幾不能測其才之所至是誠得江山之助
者歟蓋竹隱之官思州也舟車所至涉彭蠡渡洞庭
歷五溪娛遊金馬碧雞諸勝其間川壑之峭深關津

之險阻怪藤醜石絕壁回崖虎豹之所穴山魃木客
之所家蛟公獮父之所攀援種歸鷓鴣猩狸獬狌之
所號號而叫嘯莫不擘其形狀而探其性情公事稍
暇日夕寓之於吟詠宜乎怪怪奇奇卓犖過人如此
吳中山水平遠既無窈窕殊絕之觀而予又老病杜
門耳聞目見不越戶庭十數步內所娛不過敗書故
紙故其詩率皆陳腐朽爛不足咀味以視竹隱此子
所爲俛首瞠目而深歎其不可及也今竹隱復自江
潮淮投牒京師矣邇者四方多事廟堂需才甚殷竹
隱秉膺力方剛之年挾其偉才以受知於 上行且
運籌宣力削平禍亂而稍發舒其胸中之奇豈非甚
優者歟然則竹隱之卓犖過人固不徒於筆墨見之
而予之屢歎未已者又豈獨以其詩也哉此則深望
於竹隱者也

長洲汪 琬鈍翁

嘗謂文人之心每與山水相映發然不立心於山水
之外亦不能搜山水之奇何也山水固一物也其欹
崎幻折滌洄蕩折要皆有靈氣結於其間使人可喜
而可愕可領會而不可方物一當文人之心思則不
僅作山水觀也故凡高者險者幽者清而深夷而曠

者皆所以發其性靈而助其筆墨當其神居象先意與景會不知心之為山水與不為山水而奇情妙趣絡繹奔湊使觀者亦復可喜可愕可領會而不可方物若竹隱先生萬山樓詩是矣先生天懷高曠俯視一切真能立其心於山水之外者而宦迹所至又適與佳山水相值蓋嘗涉大江經洞庭過五溪盤桓於天應峨山之勝登眺於金馬碧雞之巔其間奇山異水足以發性靈而助筆墨者不可勝數而其學又能源本漢魏出入盛唐諸家故所為詩觸近景光牢籠物態常者山立怪者電掣時而慷慨欷歔時而和平

萬山樓詩

中

杳渺莫不窮山水之情極文人之致合肥龔尚書以爲一代大作手信不虛也至言竹隱之才不簪筆清華叨領侍從使之棲遲遠宦嘯傲萬山中若以爲恨者然以予觀今之足不越京華簪筆侍從馴至通顯者何限而每疲於應酬廢置文字即有一二才人未免情爲境局極其能事成臺閣之體耳安能如竹隱之窮幽攬勝冥搜軒舉長篇短韻出金石而諧笙簧與山水相映發如此哉古之文人每於不得意時成其不朽之業張燕公晚居岳州詩益悽惋謂得江山之助杜少陵不歷秦州入蜀亦無以盡文章之奇離

索困頓之感生而後雄渾竊麗之詞作竹隱又何恨焉夫天之生人傑也必先有所屈而後有所成讀萬山樓詩然後知天之愛先生而成其不朽之業者匪苟焉而已也

梁谿秦松齡對巖

竹隱嘗李思州擢守思南前後所仕皆巖疆雄鎮其地有峨山天應山白鷺洲諸勝竹隱登眺其間遂以萬山名樓憶歲之丁酉晤竹隱於天長僧舍分韻賦詩今不見已十餘稔予既病臥不出而竹隱亦萍梗陸沈者久新春過我相見且相慰勞出詩一卷且不

萬山樓詩

主

暇觀已別筆燈呼酒誦之樂府古詩奇峭森挺近體深雋有逸響大約原本性情而又神明於古鬱鬱芊芊應乎心手鮑謝韋柳殊非俊物至其惓惓然憂時憫人十居六七反覆沈吟幾於落淚銜昏酒乾而不得止嗚呼使天下仕者人懷此心則俗美風淳治安長久禮樂固可興也諸詩不盡在思作而以是樓名詩間竹隱官思時行已峻潔而持法平思人歌之不忘竹隱清畏人知惟寒山片石差堪與語煙雲風氣盡入卷中以視君家丁卯橋自當更向絕頂峰頭問消息矣

錢唐毛先舒稚黃

古今事物初氣滯中氣暢末氣秀蓄也故滯達也故暢薄也故秀詩文何獨不然然時會移人恒不自覺求其生衰薄之後而獨返乎滯厚之初難矣屈原之騷揚雄之文讀者多不能曉暢其意即作者亦不能盡達其所蓄故厚也往罕譬焉唐惟太白近之世乃有謫僊人之目竹隱許先生爲人風流邁俗不修小節其飛揚磊落有似乎白詩亦有之徐山琢侍御謂能兼學太白似矣即萬山樓一編離奇幻怪盤鬱變錯乍讀之殊難端倪諷數過則元氣貫中若山水之祖崑崙星宿而噴吼澎湃以東也其中嵯岈衝激又何能盡名焉蓋竹隱天資既絕人而又讀萬卷書行萬里路天不令在上林侍從間以簪筆從容盡舒其奇磊蓄積之氣而使之困厄遠宦志業不遂其氣抑而日積所蓄厚矣少發之於筆墨聲音之間響滯力沈風格直接楚騷亦何意擬唐太白與漢魏耶子與竹隱爲同年友遭遇之軼軻略相似而性故遲鈍讀書不能博達間作詩抒意雖不樂爲秀麗縹緲之音而極其力亦或幾於暢而止閱是集益知勉學也已

涇陽李念慈劬菴

萬山樓詩集總目

樂府二卷

五言古詩四卷

七言古詩二卷

五言律詩四卷

七言律詩六卷

排律一卷

五言絕句一卷

七言絕句三卷

詩餘一卷

萬山樓詩集卷第一目錄

樂府

元會篇

湘江春曲

龍笛曲

鳳笙曲

琅邪王歌

企喻歌四首

折楊柳歌十首

雀勞利歌

前溪歌八首

丁督護歌二首

烏飛曲

烏夜啼曲

前緩聲歌

白頭吟用本事本調

白頭吟

秋胡行

萬山樓詩集卷第一目錄

一

幽州馬行客歌二首

青溪小姑曲

白團扇歌二首

那呵灘二首

宿阿曲

武溪深

猗蘭操二首

君馬黃

雞鳴歌

烏生八九子

練時日

野田黃雀行

戰城南

桃葉歌

楊白花

箜篌引

艾如張

短歌行

善哉行

飲馬長城窟行

燕歌行

白苧歌二首

莫羅燕

豔歌行

麥秀歌

萬山樓詩集卷第一目錄

萬山樓詩集卷第一目錄

二

萬山樓詩集卷第一

長洲 許虬 竹隱甫

樂府

元會篇

黃帝垂裳理明堂盛集時蒼螭纏木角人紀肇修持
瑚尊滿玉醴瓊祀植金枝筐篚來四國鉦鼓靜六師
白雉不難至朱鳳將下儀扈蹕瞻恭默斧藻近明威
福祿駕鸞荷圖書龍馬知天文依宿衛土俗入風詩
輻輳禎祥事深冥景運期齊心宣室裏斗柄九霄移

湘江春曲

萬山樓詩集卷第一

春波起江風長春雨垂江草香夫君不來佇徬徨
驚簫鼓歌聲渺落日瀉哀濤潛蛟舞窈窕青山萬重
隔渚煙輕帆一葉齊木杪此時望君情緒悄凝纖肌
揚令眉翻素袖酌翠卮朝有思暮有思所思雖不遠
無人前致辭風晨月夕容與姿澹持仁義以自嬉

龍笛曲

天山月黑兩雁飛將軍貂帳解征衣怒馬齧草草不
肥草不肥生楊柳少婦曲健兒口

鳳笙曲

碧雲迢迢鸞鳳嘯宮商和出紫笙巧十二巫峰相對

小相對小望長空天南北水西東

琅邪王歌

小女婀娜質銀鳳求金鳳寧許田家兒不嫁琅邪王

企喻歌

楚人寶燕石絕跡荆山玉真價在我懷何致受人辱

其二

少年舞大刀白日風蕭條霍霍思殺人無人肯相撩

其三

再來邯鄲下加策不卸馬九州何空闊一過便當舍

其四

萬山樓詩集卷第一

結伴何須捐一顧不轉睛門前客通刺還刺問姓名

折楊柳歌

柳條三尺長明日清明節江南小兒女采作流蘇結

其二

千樹宮牆柳萬朵道旁花折柳在儂手花飛到誰家

其三

行人折楊柳手插在江門今年楊柳枝明年楊柳根

其四

昨日折楊柳今朝楊柳稀請看古墓道枝枝盡成圍

其五

可憐黃河水日夜從天挂雖有南來船不過楊柳界

其六

居遼四十年生兒十歲許偶聽故鄉音問爺此何語

其七

檀槽琵琶柄冰弦出西蜀生長雖南方愛唱此北曲

其八

霏霏陰山雪撒鹽擬妙絕試看蘇子卿和拌羊毛鬻

其九

春陰三月豔桃李如朝霞乍可不結實那可不開花

其十

西鄰五十姬塗脂春榮紅東家獨居女十五鬢雙蓬

雀勞利歌

破曉飛飛雀勞利獨坐窗前發清嘯屋後朱藤手自刈

難向郎懷繫肝肺

前溪歌

前溪一尺魚紅頸玉尾舒不肯吞鉤餌久慣寄郎書

其二

前溪不知舞却以舞得名儂家羅帶緩著處春風生

其三

溪中何所有青菱間紅藕辛苦操小槳安坐飽郎口

其四

呼嚶雞聲啼花渠日色西報暮不報曉戶戶晚妝齊

其五

葛根垂裏裏勞絲朝盈筐機杆爲誰織常恐秋風涼涼亦汗流香

其六

昨夜大風雨吹倒桎柏樹樹倒烏盡飛天明儂失寤寤亦眠如故

其七

采桑天氣晴浴蠶一何早雙繅不斷頭爲儂吐絲巧

非關指爪好

其八

明月何團團秋風何嫋嫋吹盡溪前花復吹溪後草

草不自憎老

丁督護歌

督護去慷慨揮鞭竟不顧枕頭夜話別親昵態善作

其二

合歡流蘇帳纈纈沈水漿督護忍置此單騎飽風霜

烏飛曲

天上烏終日飛飛向扶桑樹嬌鳴曉色啼孤樓萬載

無匹偶滔滔逝景安所歸鳥莫飛鳥飛太疾情依依

烏夜啼曲

城頭白項烏開背夜對月明啼不止城鼓繁繁未四
聲可憐明月化清水烏啼不已月色關長干夜氣沙
場寒

前緩聲歌

滿山宿草虎橫中道行人駭伏狐狸亂叫有三歲兒
喜虎之斑當胃叉兩手直前將鬚攀虎睨此兒非豹
亦非螭此何者物不畏我不避恐爲所持搖尾栖栖
歸告虎妻虎妻曰咨攫人須慎之天真不可欺

白頭吟用本事本調

今昔詎自解絲桐不可親鳳皇託草尾婉彼鴛鴦仁
一解 新換驢驢裘五都好遨遊誰家芙蓉色十倍臨
邛秋 二解 錦江疊衣帶鼓浪不能汰傳是風伯迴香
杳見雲旂 三解 歲月產根株南山有太露金屋重恩
情求君長門賦 四解 上林何者美玉盤露瀼瀼無復
病消渴肺府近清涼 五解 當日羞酒壚今日謝文園
開我縷金笥還君犢鼻褌 六解

白頭吟

皚皚山上雪白白雪邊月相替不相違自君信口滑

雪消歸海流月虧向空沒圓缺非自持海水不終竭

秋胡行

子豈無良兮士行難可越君當迴思兮曾結此素髮
上首亦有簪下體亦有韞識面定識心種花元種核
誰當乖大義千載悲心骨離別在同余不待歡情歇
笑言即棄捐奚必蒙嗟咄棄捐何太早離別無寧歿
哀音達躊躇清怨怨唐突諒君有胃腸皇天不易忽

爲山集詩卷第一

六

大海斯蕩蕩萬水皆歸往鼉鼉魚鼉嬉游俯仰鱗介
億族大小莫象何爲應龍獨上升乃復有居肆之枯
養退而鼓琴神明自爽 二解 薰蕕共一器勢必互興
戎周公甫誅飛廉管蔡復謗周公直木無枝鳥不能
私驚雖有族難來捕兒人盡見知 三解 朱弦響哇奏
白日昏黃靈志不能白焚燎升柴欽汝度量無涯遵
大路兮誰與子偕蹠爲廉夷爲貪南山之南庶幾罔
慙 四解

幽州馬行客歌

頭上倭鬚髭珍珠光四瀉今來呼作娘前過尚呼姐

其二

贈郎并州剪換郎芙蓉劍不是割恩情朝朝照光豔

青溪小姑曲

湯湯青溪上照虹霓小姑端坐阻人馬蹄

白團扇歌

團扇復團扇穠華去如箭曾記製扇時殷勤裂匹練

其二

炎涼各有之一作時團扇與秋避明年天不暑賤質甘棄

置

那呵灘

那呵灘

險灘如那呵不斷帆經過豈怨帆經過乘郎去柰何

其二

下灘如生翼上灘牽百丈勿怨郎來遲恨僕住灘上

宿阿曲

三尸秦康申騎螭上玉京帝赫斬黃佞九霄百辟驚

武溪深

武溪之水毒澗深蛇涎虎溺千年藤嗟嗟狂渴心焦

騰

荷蘭操

春風澹穆露英發滋空山無人流水瀾瀾我心傷悲

攬芳自知薪棘載塗日月寢馳昭昭不信采采奚爲
願言保惠慎植中遠

其二

八極徜徉我道孔臧坐有綺弦心志冥忘美人王者
託此孤香彼何人斯頎然以長曷不攜手雲車翱翔
以望以遠涕下霑裳

君馬黃

君馬黃臣馬驚結轡相牽追君馬出瀚海臣馬來龜
茲顧瞻周道修春風信逶迤六御佖且閑八駿何爲
馳臣馬驚駘質君馬騏驎姿願無忘馭朽康樂萬年

君馬黃

人

且

雞鳴歌

仰天蒼蒼河影澹萬籟弗鳴扶桑暗花雞渴睡最知
時不喚行舟解急纜玉釵拂燭爲君歌東方漸高柰
雞何

鳥生八九子

老鳥自營巢鳥子自啄食一飛一迴顧惟恐相違失
一子巢尚空二子巢正適三子巢已滿四五巢苦偪
幼鳥啾啾鳴長鳥巢外立巢外立將安適弋者來先
見及徘徊顧巢呼聚族保無失何不別營巢骨月本

難得

練時日

練時日神且舞進酒來籩豆左金旗紛玉節俯煙中
宮雲上府何駢駢神馬武何鏘鏘神姬嫵風雨旋神
色怒再進酒神意可舉高牀開隙戶鳳笙吟鸞笛輔
朱旛飄五色組偃蒼龍踞赤虎芙蓉幄葢雞鎖曲三
終日將午衆勿喧聽擊鼓祈語靈降澤普蠹蒙翦魃
翼錮禾稼豐在皇祖餼香膾飽羞脯呼農妻告農父
勿復愁力田土

野田黃雀行

萬首詩集卷第

九

黃雀短羽毛飛飛向何處爲有報恩心不敢相告語
蒼隼掠地來前行莫忽遽雀心爲報恩豈遑多顧慮
報君薄珠環願巢中庭樹朝夕懷好音加餐勸匕箸

戰城南

昨日戰城北今日戰城南城北之戰戰未已城南又
戰戰益酣吁嗟乎城南城外赤塵卷城內黃風鳴城
下掣電起城上轟雷傾刀槍鐵騎何縱橫戰城南日
色西子失爺兮滿路啼鳥歸巢兮不敢棲洋洋駭走
望何處東西南北忘阡蹊城東少婦初罷繡自拔金
釵命酤酒兒夫戰勝歸來否

桃葉歌

鬱鬱浮萍薄中流結素雲木蘭載桃葉碧水飄紅裙
載笙置我懷金盞酌夫君渡頭千尺波寸心託殷勤
早潮還易準夕潮盼殺人

楊白花

楊白花飛如雪玉殿深珠簾揭白花生綠楊六宮柰
三月宮鶯梁燕合歡春急管嬌歌逐鮮人楊花一入
何能出曲屏錦帳重重新歡娛轉眼春易去明年楊
花吹何處

筵篴引

萬首詩集卷第

二

明月照清夜綺雲驕上春繾綣不能忘對酒懷故人
海風吹越嶠天半翔游鱗風波無定所各自據要津
人生天地間所貴在致身誰復念歡會當時本所親
歲月良已遠笑言俱已陳江籬浮南楚岳蓮峙西秦
悠悠空長歎掩抑啼羅巾

艾如張

尉網橫四海鳳皇不敢遊弋人計自密白日愁山丘
狂飈忽摧白楊折魑魅競起工糞餐仰天杳靄雲中
君雅步纖妝秀骨芬我所思兮在蓬萊短簫一曲蒼
螭哀七十二君安在哉何不羽翰離塵埃

短歌行

一室盤旋如行萬里腸中車輪日夕終始青鬢不樂
白首爲期照耀信誓護夫間之彼何者鳥其名文鸛
吭鳴自歡羽毛自嚴雲波澹澹秋露厭厭招招舟子
欲渡無船一飲旨酒共君萬年江北采蘆江南采蓮
蘆以充飽蓮以永好中道棄捐懷思用老黃河悠悠
容鬢春秋言有萱草聊可忘憂

善哉行

朝步東門隅孤心宛躊躇城郭終不改日月徒相趨
一解 青青蓬野葛失雨猶能活纖杼停中閨越羅新

萬華集卷第十

十二

樣閣二解 美人隔中央素髮凝煙光含情暮竹立道

側鳴鴛鴦三解 一片原田迥沙沒行人脰洪河土色

焦涌泉出山頂四解 悲風凌西來林籟瀉清哀朱絲

久不御綠綺生莓苔五解 萬事不如捨琥珀杯堪把

吳姬善刺舟并兒盡騎馬六解

飲馬長城窟行

上馬亦嗟吁下馬亦嗟吁嗟吁爲誰發長城天一隅
秦王築長城以代百萬兵秦王身去後長城屹若橫
北風鳴蕭騷獵人錦繡袍馬識長城路河水丈高
朱雁從西迴阜鵬自北舉心事各怱怱相逢不相語

燕歌行

黑山何峨峨牧牛羊雞鵝土俗殊自好擐甲倚嬌娥
飄蕩誰氏子挾瑟邯鄲裏長城開不閉出入誰禁爾
今日四座皆高懷深觴淺觴勿用催人生不飲何爲
哉當飲不飲愁劇來當滿淺飲仍虛杯脫巾試漉新
筍醅滿湘之水吹綠苔一吸當盡何徘徊酒酣相與
臨高臺浩歌一曲和歌哀千載誰知才不才君留百
變急須開

白苧歌

樂復樂兮春夜筵驚鴻舞袖飛輕煙新聲齊合嬌素

萬華集卷第十

十三

弦流波一盼引人前遲迴情思不欲僊鳳花結燭照
清妍滿觴爲壽私自憐君王爲樂千萬年

其二

淒復淒兮秋風微清商入曲梧葉飛藕紅玉沼謝粉
衣置酒高會回芳菲錦袍盡奏凱歌歸兔肥麋老好
合圍清歌豔舞繡羅幃烏啼月轉霜霏霏

莫羅燕

庭前誰張羅云欲羅燕燕燕飛飛入珠殿銜泥污
畫梁畫梁文杏香紫燕無所知本意近君旁近君被
羅亦可傷莫羅燕燕生雛明年燕來珠殿改君亦不

用復張羅

豔歌行

侑觴何必西子和歌何必荆卿但對我意歡便縱百
萬觥但識我心愁便飛慷慨聲丈夫爲哭不爲泣拔
劍拂拭照平生我所思兮在何許徘徊歧路日西傾
事事天所限醉歌良有情今者如不飲何以解宿醒
生瘴渴吮血鴟梟飢入羹長安諸游俠一一舊知名
其他寵辱奚足驚道旁朱輪馳九衢天未明亦欲從
之前我馬不肯行大笑還來過酒胡手抱花姬姬抱
華

麥秀歌

維麥已秀念彼狡童少師再來黍離故宮

萬山樓詩集卷第一

萬山樓詩集卷第二目錄

樂府

擬皇娥倚瑟歌

獨漉篇

喜雨行

捉搦歌

當來日大難

行路難

瑤瑟怨

種秣詞

種麻篇

公無渡河四首

東飛伯勞歌

車遙遙篇

有狐綏綏

枯魚過河泣

李夫人歌

戚夫人歌

垓下歌

越采葛婦歌

魏其歌

驪姬

我翁即若翁

閒雞舞

黃澹思歌四首

地驅樂歌四首

雙行纏二首

長相思

代蒿里歌

春歌

夏歌

秋歌

冬歌

擬合讀曲歌八首

禽言

婆餅焦

麥熟即快活

提壺盧

不如歸去

泥滑滑

瘦兒

姑惡

歸去好

妾未嫁

行不得哥哥寫黔鳥言三首

山虎歌爲劉石阡賦首三婦豔

隴上行

大隄曲

擬漢武落葉哀蟬曲

馬嵬驛

陌上桑

萬山樓詩集卷第二目錄

萬山樓詩集卷第二目錄

二

萬山樓詩集卷第二

長洲 許虬 竹隱甫著

樂府

擬皇娥倚瑟歌

大造非有於何形仰觀俯視忽逕庭盤礴倚昵陰陽
局輪風幙氣含其靈中央獨處心神冥紅桑散榮億
劫經茹精不飢御飛翎泛弦撫瑟梓青青

獨漉篇

獨漉獨漉望門投宿不被擲掄定遭窘逐天地昭曠
陰陽凋喪逝景莫追有消必亢竹實不結稻梁不竭

萬山樓詩集卷第二

十

鳳皇長飢雞鶩飽咽靈蔡雖壽其甲則朽死尚有知
生胡勿走桃花秋爛賀瑞誠誕馬若生角兩粟可繫
禪開唐帝不爲家計子既弗堪仍授其壻呂秦牛晉
造物太甚五代羣雄步趨罔禁操祖文王莽學周公
文王周公利人無窮五月披裘匪以禦寒緣木求魚
果持釣竿人而昧理何不遘死皎皎如玉彼姝者子
喜雨行

爰行東郊東郊之人僵立聚哭婦謂夫曰五月不雨
田禾焦禿六月徵糧妾身將鬻妾身能直粟幾斛夫
謂婦曰五月不雨種麻代孰賣汝誰績麻幼子不成